



Thirrje për Konsulent/Organizatë për: Monitorimin e Konventës mbi të Drejtat e Fëmijës

Shtator 2021

I. Hyrje

Syri i Vizionit (SiV) është regjistruar zyrtarisht si organizatë joqeveritare lokale në shtator të vitit 2001, por ka filluar të funksionojë edhe më herët, që nga viti 1999, si Organizatë e Bazuar në Komunitet (CBO) në komunën e Pejës. Që nga fillimi, motoja e organizatës ka qenë “Mendo globalisht, vepro lokalisht”, të cilës organizata i ka qëndruar besnike. Misioni i organizatës është “Zhvillimi i komunitetit të njerëzve, grupeve joformale, organizatave, rrjeteve, institucioneve dhe donatorëve përmes avokimit, shkëmbimit të informacionit dhe ndërgjegjësimit” dhe SiV përmes veprimit të saj dëshmon se është një organizatë që kryen veprime lokale bazuar në praktikatat më të mira.

II. Informata të përgjithshme

Syri i Vizionit (SiV) në partneritet me Save the Children Zyra në Kosovë (SCiK), tash e disa vite janë angazhuar në monitorimin dhe mbrojtjen e të drejtave të fëmijëve në Kosovë, bazuar në Konventën Ndërkombëtare për të Drejtat e Fëmijës. Në kuadër të këtij partneriteti, SiV dhe SCiK kanë zhvilluar projekte për të fuqizuar mekanizmat e parandalimit të dhunës, ndëshkimit trupor dhe raportimit të rasteve të dhunës në shkolla. Përderisa, në kuadër të programit të mbrojtjes së fëmijës “Detyrimi ynë për të Ardhmen - Mbrojtja e Fëmijës dhe Qeverisja e të Drejtave të Fëmijës”, organizata është duke u punuar në ngritjen e kapaciteteve profesionale të fëmijëve për të qenë pjesë e vendimmarrjes dhe institucioneve të cilat për mandat kanë mbrojtjen e fëmijëve dhe ofrimin e shërbimeve sa më profesionale dhe me kohë për ta.

III. Objektivi

Syri i Vizionit kërkon të angazhojë një konsulent/e apo organizatë për monitorimin e zbatimit të Konventës Ndërkombëtare për të Drejtat e Fëmijëve (KNDF) specifikisht zbatimin e Nenit 19 dhe analizës në fushën e mbrojtjes së fëmijëve.

Qëllimi i këtij raporti monitorues është që të pasqyrojë gjendjen aktuale në Kosovë lidhur me kompletimin e akteve ligjore për krijimin e mekanizmave adekuat e funksional qe shteti jonë

obligohet të i krijojë për mbrojtjen e fëmijës nga çdo formë e dhunës fizike ose mendore, fyerje ose keqtrajtim, braktisje apo mospërfillje, nëpërkëmbje ose shfrytëzim, përfshirë abuzimin seksual, për sa kohë që ai është nën ruajtjen e prindërve të tij ose të njërit prej tyre, të përfaqësuesit ose përfaqësuesve të tij ligjorë ose të çdo personi tjetër të cilit i është besuar, siç është i përcaktuar me Nenin 19 të KNDF-së. Të dalat nga ky raport do të shërbejnë institucioneve përgjegjëse në pasqyrimin se sa shteti ka bërë në zbatimin e KNDF-së dhe do jetë një raport alternative krahas raportit të shtetit sa i përket zbatimit të KDF-së në Kosovë.

IV. Detyrat dhe përgjegjësitë:

- Shqyrtimi i akteve ligjore dhe nënligjore si dhe raporteve dhe artikujve ekzistues lidhur me Nenin 19, të KNDF-së;
- Vlerësimi i dokumenteve dhe mekanizmave ekzistuese në shkollat dhe komunat e përzgjedhura si dhe dokumenteve dhe mekanizmave ekzistuese në nivelin qendror.
- Ofrimi i shërbimeve të mbrojtjes në dispozicion për fëmijët, dhe masave e mekanizmave të krijuar sipas KNDF-së
- Intervista të thella me përfaqësuesit e institucioneve që për mandat kanë mbrojtjen e fëmijëve dhe ofrimin e shërbimeve në nivel nacional e lokal;
- Intervista dhe bashkëbisedim në grup me fëmijët.
- Përpilimi i raportit dhe prezantimi në Power Point i gjetjeve kryesore dhe rekomandimeve.
- Përpilimi i raportit dhe prezantimi duhet të bëhet në gjuhën shqipe.
- Vendosja e të gjitha referencave në tekst.

V. Kualifikimi dhe shkathtësitë e nevojshme

- Diplomë universitare në psikologji ose në fushën e të drejtave të njeriut specifikisht fëmijëve (kualifikimi Master dhe edukimi profesional/joformal është përparësi);
- Dokumentimi i përvojës së punës në hartimin e hartimin e raporteve monitoruese apo raport analiza nga hulumtimet që kanë të bëjnë me të drejtat e fëmijëve sipas KDF-së;
- Njohuri për parimet e të drejtave të fëmijëve të bazuara në KNDF dhe KB dhe Ligjin për Mbrojtjen e Fëmijës;
- Njohuri mbi sistemin e arsimit në Kosovë, me theks të veçantë për mbrojtjen e fëmijëve dhe respektimin e të drejtave të tyre në shkollë;
- Shkathtësi të shkëlqyera analitike, udhëheqëse dhe shkathtësi në shkrim e komunikim;

- Shkathtësi të mira në të shkruar dhe të folur të gjuhës shqipe dhe angleze.

VI. Afati kohor:

Raporti duhet të dorëzohet jo më vonë se tridhjetë (30) ditë nga nënshkrimi i marrëveshjes.

VII. Rezultatet:

Raporti duhet të përmbajë:

- **Përmbledhja ekzekutive (1-2 faqe)**
- **Qëllimi i Raportit (1 faqe)**
- **Kapitulli I - Metodologjia (1 faqe)**
- **Kapitulli II - Rishikimi i legjislacionit**
- **Kapitulli III - Ofrimi i shërbimeve dhe mekanizmave të mbrojtjes në dispozicion për fëmijë**
- **Kapitulli IV - Rezultatet nga mbledhja e të dhënave**
- **Kapitulli V - Rekomandimet**
- **Kapitulli VI - Implikimet**
- **Kapitulli VII - Referencat**

Konsulenti/ja apo Organizata duhet të punojë për së afërmi me organizatën Syri i Vizionit dhe Save the Children dhe grupin monitorues të fëmijëve Respect Our Rights-ROR gjatë përpilimit të metodologjisë së monitorimit dhe raportit të paraparë me këto Terma të Referencës.

Rekomandimet e këtij raporti duhet jenë të qarta dhe reale me situatën e mbrojtjes së fëmijës në Kosovë, konform obligimeve të përcaktuara me Nenin 19 të KNDF-së.

VIII. Kërkesat për aplikim

Kandidatët e interesuar ftohen që të aplikojnë duke i dërguar dokumentet e mëposhtme:

1. Kopjen e diplomës universitare (ndonjë certifikatë e licencimit nga institucione relevante vlerësohet si përparësi);
2. Përshkrimin e metodologjisë së punës, duke përfshirë planifikimin e procesit të zhvillimit të monitorimit/hulumtimit të specifikuar sipas target grupeve;
3. Një plan tentativ të punës;

4. Një letër motivuese ku përfshihet përvoja, gatishmëria dhe aftësitë profesionale në hartimin e raporteve apo analizave të tilla (bashkëngjit ndonjë kopje të raportit) që kanë të bëjnë me mbrojtjen e fëmijëve apo të ngjashme;
5. Biografinë (CV)
6. Propozimin financiar*

*Kërkesa financiare duhet të jetë bruto, e detajuar për secilën punë që do të realizohet, duke përfshirë: burimin e informatave, procedurat dhe teknikat e mbledhjes së informatave, teknikat e analizës së të dhënave, planin tentativ të punës si dhe shkrimin e raportit.

Aplikacionet duhet të dorëzohen në gjuhën lokale, në formë elektronike në adresën: office@syriivizionit.org ose info@syriivizionit.org me titullin: Monitorimin e Konventës mbi të Drejtat e Fëmijës , apo edhe përmes postës fizike në adresën e organizatës - OJQ: “Syri i Vizionit”, Rr. Isa Demaj, nr. 14, 30000 Pejë, Kosovë.
Afati i fundit për dorëzimin e aplikacionit është: **08 tetor 2021, ora 16:00.**

Vetëm kandidatët e suksesshëm do të kontaktohen!